

تۆرك يوردى

ناشرى : تۆرك يوردى .

مەدبىرى : شەيدى امين .

۲ نەشرىن ئانى ۱۳۲۸

۲ جىل

صافى ۲

تورک یوردی

اوز بئش کونده بر جیقار

تورکارک فائده سنه چالشی

ادبیات

پادشاه و شهرزاده لریزه !

« بلدان بخشیشکدر ، ابحار یادکارک »

« فاتحک تربه سنده »

پادشاهم !

بویوک اجدادیکک قلنجی و مبارک قانیله آلمان استانبولمیزک دشمن تاقایی سنه .
کلدی . بویوک تورکیه معظم تاریخنده امثالی کورولمه مش خاقانلر ینشدیرن آل
عثمانک تاج و تختی ، تورک ملتک ناموس و استقلاللی ایله برابر تهاهکده !
دونکی بنچوانلریمیزک جامورلی ایاقدری تاریخک ، آلتیوز سنهک تاریخک
شان و شرفی ، دین و عزتی چیکنه مک اوزره قالمش ؛ تورک عسکرینک
طوبی ، توفکنکی ، آلیور و کندیسنندن بویوک اردوسنی ، آلتیوز سنهک
مردلکنی ، ارککلکنی یکیور ! بویکیلشی ، اکضعیف اولدینی زمانلرده بیله
دنیاک حرمت ایستیک بوعزتک ، تورک عزتک دوشدیکنی اولا حیرتکار
سیر ایدن اوروبا شیمدی استخفافکار و ممنون کوچک بلغارلرک ماضیسز ،
تاریخسز بلغارلرک عزتلی وجسور تورکلری مغلوب ایدیشنه متفقاً ال چیرپیور .
بلغارلر یکی ویالیزی بر تاریخ یاییورلر ، بز تاریخمیزی کومیورز .

پادشاهم ! قادینلریمیز بیله بو حجالتک آلتده قورقوی اونوتدیلر ، یرمه
کییورلر ؛ طوپراقلریمیز ، یوردلریمیز اغلایور ؛ مناره لریمیز بلکه یارین مسلمانلری
اللهه چاغران حق سسی صوصدیر یله جفی ایچین اغلایور ، چوجقلریمیزک استقباله
تمیزلیمیز برعیب سورولور و همیز یرمه کچمک ، یوزیمیزی برداها دنیا به کوسترمه مک
ایچین اورتیمک ایسته یورز .

پادشاهم ! تورک اولدینقی ادراک ایدن هر فردک بوکون یالکیز آلتی دکل

روحی یرلرده سورونیور، یارین اوستیدن کوچک بردشمنک چیزمه‌لری باسوب
کجه جک ، اووقت عزتمز ، تاریمخمز ، دینمز ، طوبراغمز و بویوک ، اسکی
پادشاهلریمیزک یابدینی تاریمخمزله تاریخ عالمک ابدی بر حجالت اعلانی اولوب
قالاجفز !

پادشاهم ، بو کونک بیتمز کابوسندن قورتلق ، باشمزده کی حکم ذلت
و حجالتدن قورتلق ایچین بر معجزه بکلیورز . بو معجزه یی تاریخ ، باتان ملتارده بعضاً
یابدردینی واقع اولمشدر ، فقط بزم ایچین بو معجزه یی ، طوبی ، تفنکی ، عسکری
بول ، فقط قبلرینک تورکاک عزتی طاشیان کوشه سی قیامش کورونن اوردو
ایچین آنجی آل عثمان پایه بیلیر . باق پادشاهم ، بو قدر سنه در ناموسک وشجاعتک
اک یوکک و قوتلی شرفی ملته اشیلامش بویوک و مقدس پادشاهلریمیز ایچین
تورک قوللرک الاریکی اک اول آل عثمانه قالدیریور ! بودورمن اوردوبه فاتحک
جلادتتی ، مرادلرک صمدانی فدا کارلق و غیرتی آشیلامق ایچین بر آن فوت
ایتمه دن پادشاهمیزی و شهزاده لریمیزی بکلیورز .

بیلورم که اکر طبیعت اولوبی دیرلتمک معجزه سی پایه جق اولسه مطلق
اولو یوزینی اوردوبه توجیه ایتش و قلنجی ایله برداها اوردو باشنه کجه جک فاتحمزک
دارغین خیالی قارشیکده سجاده ده اللهه یالواریر کن او معظم و بویوک پادشاه
سکا روحنک عمقنده کورلمه لر ، ییلدیریملرله دشمن قاییسنده اولان استانبولی
ایچین آغلا یور و دیور که : قاق ، ای سلطان محمد ! اطرافکه آل عثمانک صوک
اولادلری اولان کنج شهزاده لرک هپسینی طویلا ، تفنکری اوموزنده آتلیخی
اوردونک اراسنه سورسونلر ، دین ایچین ، مملکت ، عزت و ناموس ایچین
اردوبی وظیفه سنه چاغرسینلر ، قورقانلره قورشون وقامچی ، جسورلرک
جبهه لرینی قالدیرسونلر ، و بویوک ده ده لریکک ، آل عثمان تاجنی طاشیه جق
شهزاده لر آراسنده کنج و فدا کار قوللر ، بویوک وشجیع روحلر قالمادیمی ؟
اونوتدیلر می که تاریمخمه آل عثمان اسمی طاشیان شهزاده لر هپسینی غزاده عسکر
باشنده ابدی ؟

« یاسلطان محمد ! آتسکه ، تفنکسکه اجدادیکک ناموس و عزتی ، ملنکک ،

طوبراغلك حقی محافظه ایچین اوردویه قوش ! بر سلطان محمدك آلدینی
طوبراقلری چکنه تن پادشاهك اسمی ینه سلطان محمد اولماسون !

پادشاهم ، ایشته بن بویوک سوکیلی خاقانمز سلطان محمدك سسنی هرکون
روحده دویورم ، مملکت الدن کیدرکن اویویان بویزانس شهرنده قوردینی
مناره لر ، وممظم معبدلرک اوستیدن کیزلی وبویوک سسنگ بوتون دارغین اختشامیه
قادینلریله بیله استانبول خلقی ، هیمزی چاغیریور وبن اونك اوکنده روح
یرلره کچور ! خایر ، استانبولی چکنه تنه چک پادشاهك اسمی سلطان محمد
اولاماز . پادشاهم ! تورکلكك آلتوز سنهك روحی سنی چاغیریور ، تاریخ
سنی چاغیریور ، وبویوک اولولری سنی چاغیریور ! اونلرک جاری ویرنسلری
وار ، اوردومزک عصرلردن بری اك حقیقی باباسی پادشاهی ایدی ، جسور
شهراده لری بویوک وحقیقی ضابطلری ایدی ، نیچون اوردومز اوکسوز پادشاهم !
ایشته آلم چیزمه لریكك آلتنده بوتون طوبراقلرک وملکك روحی ،
اجدادینک یرلرده تکرار قنایان یارالریله فریاد ایدیورم ، صوک امید سسند
پادشاهم ! اکر بوصوک صولت ، آل عثماندن باشده پادشاهلریله الی سلاح
طوتان شهراده لردن کمرسه الله بیله تورک قومك مقدراتی اوزرینه برسیاه
برده چکه چکدر .

پادشاهم ، پادشاهم ، غوغایه ، پادشاهلریخی بکله ین اوردونك باشنه !
هیچ برشی ایچین دکلسه بیله قادینلرک ناموسی ایچین پادشاهم ، اکر بلغار
جزمه سی آلتنده قالاچقسه ق ، مقدس وپاك ناموسمزی اوردو مدافعه ایتیه چکسه
اولوزکن صوک آل عثمان ناموسلریمزی محافظه ایچین پادشاهیه وشهراده لریله
دشمنلریله صوک دقیقه یه قدر دوکوشدی تسلی سی ایله الله کیده نم !
پادشاهم ، بوقدر بویوک ایمان وصمیمیتله اوگکه دوکولن روحك جسارتی
عفو ایدرسك دکلکی ؟ کیم بیلیر ، تاریخ وناموسمزک خلاصکاری برپادشاه دیه
آتلیکك آیاغی آلتنده چوجقلریمز واختیارلریمزله شنك بیاجمز .
شیمدی خیالده بوتون شجاعت وبویوکلكك ایله اوردونك باشنده بویوک
سلاله سنك بوتون اولادیه ایلرله ین بر سلطان کوریورم . بلکه ده بوقاچك

مبارک خیالیدر ! بلمکده اونک آلدینی یره قاریخیزی کوممه مک ایچین عسکر به
برابر دشمنکله دوکوشن سنک پادشاهم !

بوخیال ، بو بویوک و خلاصکار سلطان خیالک اسمی محمد اولدیغنی بیلیورم :
بلمکده سنک قولکده وجهه کده عسکره دوغان بویوک فاتحهزک روحیدر !

خالده



کندیکه دوغرو

آناک ایچکیسی کوبوکلو قییمیز
آربه صوبی ایچمه دیدی برقیغیز
اویکک یمیشی اریکله آما
قومشوگک باغندن خورمائی آما

باشقه دیله اویماز آنشهگت سسی
هرسوزک آراساک واردر تورکجهسی
طویمادن دوشونمه ، کورمه سزمه دن
کندی طویغوک اولسون اوصوکی بدن

دیله ، یاپ ! تگریشک سنسین بیلکی
کوک تورکک سنده در بوجه دیلکی
دمیر سکا طایار ، شمشک باش اگر
ایسته مه ، سن یارات ، کورمه ، سن کوستهر !

کوک آلب